

Landesbibliothek Oldenburg

Digitalisierung von Drucken

Bibliotheca Smithiana, Seu Catalogus Librorum D. Josephi Smithii Angli Per Cognomina Authorum Dispositus

Pasquali, Giovanni Battista

Venetiis, 1755

D. Thomae Quaestiones De Veritate Disputatae

urn:nbn:de:gbv:45:1-844

D. THOMÆ QUÆSTIONES
DE VERITATE DISPUTATÆ

Romæ per Arnoldum [1] Pannartz in domo Petri de Maximis MCCCCLXXVI.

Johannes Franciscus [2] Venetus & Theologus ad Reverendissimum
D. [3] Marcum Barbum Cardinalem Sancti Marci.

COrrigendi mendosos codices laborem profecutus inceptum, Reverendissime Pater, & Domine semper colendissime, grandem percipio animo voluptatem, tum ipsarum rerum celsitudine, quarum perscrutatione in Deos, ut ita dicam, in humanis corporibus latitantes evadimus, tum ipso officio, cui pro magnitudine animi tui dulcem quamdam videris gratitudinem polliceri. Congratulor tamen sudoribus meis, sed benivolentia tuae magis, quod operam meam pluris vis facere quam sit æquum. Subtilissimas nunc disputatas de Veritate quæstiones sancti Aquinatis Thomæ, non tam integritati doctrinæ necessarias, quam sapientia tua optime comparatas, quantum mea interfuit, solita emendatas diligentia, benigne suscipe impressas. Eas profecto tibi dicatas esse volui, ut sapientia tua, quam multifarie explicant, fiat semper notior, fiat altiori sede apud omnes dignior, fiat avo longiori ubique gloriosior. Vale.

[1] Acute iamdiu monuit ad hanc Editionem Cl. *Maittaire*, *Arnoldum Pannartz* soluto iam federe cum *Conrado Sweinheim*, aliis usum fuisse typorum figuris, ab iis non parum diversis quibus antea, integra societate, utebatur. Vid. *Annal. Typ. Vol. IV. p. 360.*

[2] Num *Joannes-Franciscus Beatus Venetus* Dominicanæ Prædicatorum Familiiæ alumnus, & primum Patavii, subinde in Academia Pisana publicus sacrarum Literarum professor? cuius mentionem iniecit Cl. V. Fr. *Joann. de Au-*

gustinis in II. Vol. Oper. sui *de Scriptor. Venetis* nuper italice edit. p. 375. Res, tempora, titulus, operisque summa satis probare coniecturam videntur. Non dissimulandum tamen a *F. Andr. Rovetta* in *Bibl. Scrip. O. P.* Scriptorem hunc conlocari ad ann. 1570. Num perperam? Viderint alii. At falli *Rovetam*, scriptorem ceterum incuriosum & apprime *ἀκριτής*, vix est cur dubitem.

[3] De *Marco Barbo* S. R. E. Card. Paulli II. ex fratre nepote vide supr. p. LXXXII.

